

დადგენილება № ცვ-0876-22
გაფრთხილების სახით ადმინისტრაციული სახდელის
დადების შესახებ

ქ. ქუთაისი,

17 მარტი, 2022 წ.

- დადგენილების გამომტანი ორგანო (თანამდებობის პირი): სს. „ენერგო-პრო ჯორჯიას“ დასავლეთ საქართველოს ცენტრალურ ფილიალის ადმინისტრაციული სამართალდარღვევის საქმის განმხილველი კომისიის თავმჯდომარე ტარიელ შვანგირაძე.
- საქმის განხილვის თარიღი: 2022 წლის 17 მარტი.
- ცნობები პირის შესახებ, რომლის მიმართ განიხილება საქმე:
ფიზიკური პირი გიორგი ჩხეტიანი, პირადი № 60002001378, დაბ. 1978 წლის 24 ნოემბერს, მის. ქ. ქუთაისი, თამარ მეფის ქ. № 11.
- საქმის განხილვისას დადგინდა შემდეგი გარემოებები:
2022 წლის 14 მარტს, ქ. ქუთაისში, თამარ მეფის ქ. № 11-ში, აბონენტ თინა ასათიანის აღრიცხვის კვანძის შემოწმებისას დაფიქსირდა ელექტროენერჯის უკანონო მოხმარება. კერძოდ, აღნიშნულ მისამართზე მცხოვრებ გიორგი ჩხეტიანს ელექტრომრიცხველის კორპუსის მინა ჰქონდა გახვრეტილი და უცხო საგნის მეშვეობით ახდენდა მთვლელი მექანიზმის გაჩერებას. შემოწმების დროს მრიცხველი მოხმარებულ ელექტროენერჯიას არ აღრიცხავდა და დატაცებული ელექტროენერჯის რაოდენობა შეადგენდა 7.95 ამპერ დენს, რაც ადმინისტრაციული კანონმდებლობით დასჯადი ქმედებაა. აბონენტს იმავე დღეს შეუწყდა ელექტროენერჯის მიწოდება ადმინისტრაციული საქმის განხილვამდე. გიორგი ჩხეტიანის მიმართ 15.03.2022წ. შედგენილ ადმინისტრაციული სამართალდარღვევის ას № 008429 ოქმს ხელს აწერს სამართალდამრღვევი. იგი აღიარებს სამართალდარღვევის არსებობას და განმარტავს, რომ აღნიშნული ფაქტი მისთვის ცნობილია და იგი აღარ განმეორდება. გიორგი ჩხეტიანი არ არის ადმინისტრაციულად სახდელდადებული, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის მიერ მოწოდებული ინფორმაციით. საქმეში ასევე წარმოდგენილია 14.03.2022წ. აღრიცხვის კვანძის შემოწმება-მიღების აქტი № 1568571, რომლითაც დასტურდება გიორგი ჩხეტიანის მიერ ელექტროენერჯის დატაცება. საქართველოს ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციულ სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი, აღრიცხვის კვანძის შემოწმება-მიღების აქტი, შსს საინფორმაციო-ანალიტიკური დეპარტამენტის მიერ მოწოდებული ინფორმაცია, აბონენტის ბარათი, სამართალდარღვევის ფაქტის ამსახველი ვიდეოჩანაწერი), რომელთა მეშვეობით

სს „ენერგო-პრო ჯორჯია“

დგინდება გიორგი ჩხეტიანის მიერ საქართველოს ადმინისტრაციულ სამართალდარღვევათა კოდექსის 96¹-ე მუხლის პირველი ნაწილით გათვალისწინებული სამართალდარღვევის ჩადენის ფაქტი-ელექტროენერჯის დატაცება. ამასთან დაცულია იმავე კოდექსის 38-ე მუხლის პირველი ნაწილით დადგენილი ადმინისტრაციული სახდელის დადების ორთვიანი ვადა და 240-ე მუხლის პირველი ნაწილით დადგენილი ადმინისტრაციული სამართალდარღვევის ოქმის შედგენის წესი. რომლის დროსაც გიორგი ჩხეტიანმა მისცა ახსნა-განმარტება, გაეცნო ოქმის შინაარსს და ჩაიბარა მისი ასლი.

5. ზემოაღნიშნულის საფუძველზე, ვიხელმძღვანელებ რა საქართველოს ადმინისტრაციულ სამართალდარღვევათა კოდექსის 96¹-ე მუხლის პირველი ნაწილით, მე-10, 38-ე, 228²-ე, 236-ე მუხლებით, სემეკის 28.06.2021 წ. №19 დადგენილებების 33-ე მუხლით, 12.08.2010 წ. №14 დადგენილებით, ს.ს. „ენერგო-პრო ჯორჯიას“ გენერალური დირექტორის 17.09.2010 წ. RU №2010009 წესით და ს.ს. „ენერგო-პრო ჯორჯიას“ დირექტორთა საბჭოს თავმჯდომარის 30.06.2021 წ. OR №2021018 ბრძანებით,

და ვ ა დ გ ი ნ ე:

6. ფიზიკური პირი გიორგი ჩხეტიანი, პირადი № 60002001378, ცნობილი იქნეს ადმინისტრაციულ სამართალდარღვევად საქართველოს ადმინისტრაციულ სამართალდარღვევათა კოდექსის 96¹-ე მუხლის პირველი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი - გაფრთხილება.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას - 15000 ლარის ოდენობით.

8. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი: _____

9. დადგენილება შეიძლება გასაჩივრდეს მხარისათვის მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 (ათი) დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის. ქ. თბილისი, ა. მიცკევიჩის ქ. №19).

უფლებამოსილი პირის ხელმოწერა



ტარიელ შვანგირაძე,
კომისიის თავმჯდომარე